

瘟

疫

明

辨

瘟疫明辨卷之二

表症

發熱

時疫發熱與風寒雜症同。其發熱時。氣色神脈舌胎。則不同。辨得為時疫發熱。又當知有淺深表裏之異。不辨無以施治。發熱表症居多。亦有裏症發熱。半表半裏發熱。餘邪不盡。復出於表發熱。邪退正虛發熱。而表症發熱。脈不浮不沉而數。寸大於關尺。熱在皮膚。捫之烙手。久按反輕。必兼頭痛項強腰痛胫酸。或頭面身體皮膚。

有紅腫瘍痛。諸症不必全現。有一於此。便是表症發熱。九味羌活湯。人參敗毒散。六神通解散。選用。冬月嚴寒。及惡寒甚者。大青龍湯。葳蕤湯。越婢湯。陽旦湯。可借用。全不惡寒者。白虎湯。黃芩湯。可加減用。裏症發熱。脉或滑。或沉數。或洪滑。關尺盛於寸。熱必在肌肉筋骨。初捫熱輕。久按熱甚。必兼煩渴。胸腹滿。大便或不通。或自利。或便血及膿。小便黃赤。或譫妄狂昏。諸症雖不必全現。必兼二三症。方是裏症發熱。梔子豉湯。黃連解毒湯。小陷胸湯。三承氣湯。導赤瀉心湯。猪苓湯。天水散。選用。半

表半裏發熱。脉多弦。胸脇滿。或熱或止。或口苦咽乾。目
眩耳聲。或目赤。或喜嘔心煩。或兼見表裏症。達原飲。柴
葛解肌湯。小柴胡湯。選用。時疫初熱時。用藥最要清楚。
此處頭緒不差。後傳變多危。救護亦易。不然難於收拾
矣。凡見發熱。即當辨其氣色神脉舌胎。為風寒為時疫。
係時疫。又當辨在表在裏。在半表半裏。然時疫見症。純
表純裏者少。表裏夾雜者多。表裏夾雜。吳氏達原飲為
主。表症多。加羌活。裡症多。加大黃。半表半裏症多。加柴
胡葛根淡豉。或表裏症均見。則諸藥全用。即三消飲。取

效最多。誠時疫主劑。至已愈數日。而復發熱者。乃寒原
伏有不盡之邪。復出於表。當察其證之寒裏多寡。以前
法治之。大抵愈後復發。則裡熱多而表熱少。雖有當用
寒藥之症。不過葛根柴胡淡豉而已。無更用羌活之理。
愈後另受風寒。發熱無汗。舌上無胎者。不在此例。時
疫愈後復熱無汗。重用葛根五錢最妙。以其性涼而解
肌發汗。既不得無汗之表。又不得煩熱之裏。更有平素
虛損。或老人。或大病後復染時疾。屢經汗下清解。其熱
轉甚。或全無表裏實證。或六脈豁々然空。或較初起洪

滑更甚。或用表藥而身痛更甚。或屢用清熱藥而煩躁
沉昏更甚。或屢用下藥而舌燥更甚。此皆邪退正虛之
發熱也。王太僕所謂大虛有盛候。反瀉含冤也。此時須
略去證狀。而消息陰陽虛實。陰虛則熱渴枯竭之症多。
責在腎。宜六味地黃湯。兼氣虛。合生脈散。須大作湯液。
晝夜頻進。效始捷。陽虛則嘔利悸眩之症多。責在脾。宜
六君子湯。兼陰虛。歸脾湯。參胡王白散。清燥湯。選用。若
遇此等症。仍用汗下涼解宣伐。斷無生埋矣。又發熱之
為表為裏。為半表半裏。為復為虛。症狀明顯有據者。自

易施治。若脈症夾雜模糊。難於分辨者。須以舌胎為據。初起舌胎薄白。或無胎而潤。屬在表。白胎而厚。或兼微黃。或中黃邊白。中黃尖白。或二三色。屬在半表半裏。黃胎。審色胎黑。胎屬裏。舌胎燥。則不論何色。皆屬裏症。屢經汗下後。舌胎潤而發熱者。屬陽虛。無胎而燥者。屬陰虛。發熱之表裏虛實。依此辨之。思過半矣。惟虛証發熱。反似實症。即舌胎亦難憑據。又當從病之來路探討。若屢經汗下宣伐。而熱愈甚者。從虛治無疑。或雖經汗下。其熱漸減。藥有效。則仍屬餘邪未盡。不可遽補。致邪熱

內。虛。夫。人。年。壽。似。此。虛。實。關。頭。不。可。不。細。心。體。認。也。
以。上。辨。表。裏。虛。實。諸。法。雖。指。發。熱。時。言。然。類。而。推。之。
凡。症。皆。可。依。此。為。辨。惟。在。學。者。之。善。悟。耳。

惡寒

如。疫。惡。寒。與。風。寒。暑。濕。諸。症。不。同。諸。症。惡。寒。無。時。而。勢。
不。甚。時。疫。惡。寒。有。時。而。勢。甚。惡。寒。之。後。必。見。發。熱。時。
自。熱。而。不。覺。寒。時。自。寒。而。不。覺。熱。非。若。諸。症。惡。寒。發。
熱。身。相。兼。也。時。疫。惡。寒。傳。裏。之。後。少。在。表。之。時。多。而。辨。
氣。色。神。脈。舌。胎。與。發。熱。同。但。有。淺。深。虛。實。之。異。邪。淺。而。

在表者惡寒之時少於發熱治法方藥同於發熱而以解表為主邪在半表半裏者寒熱往來如瘧狀治法方藥亦同發熱邪深入裏失於攻下而熱深厥深反欲握被向火惡寒而不發熱或熱亦微甚則四肢反厥此雖惡寒實非寒也乃陽氣為邪所鬱而不通以通鬱為主達原飲大柴胡湯三承氣湯選用使裏氣通而鬱陽發反大熱而煩渴也此證在惡寒時最難辨其為熱須於九竅察之如目大小眦赤鼻孔乾唇紅舌胎黃黑燥耳鳴或聾小便黃赤瀉痛大便燥結或稀黃極臭或鮮紅

或心下至少腹。有痛不可按處。此皆熱深陽鬱之象。大抵周身皆見冷症。一二處獨見熱症。反當以熱症為主。反此亦然。乃辨寒熱真假之機要也。余所見時疫。不下數千。裏症惡寒者。百中一二。即四肢厥逆。爪甲青紫。詢其所苦。亦不惡寒。此可得其槩矣。至若本係時疫熱症。因其人平素虛損衰老。及大病之後。用攻伐寒涼太過。至汗出不止。嘔利俱作。四肢微厥。六脈細濡而惡寒。為陽虛。乃攻伐太過所致。當以參耆苓朮為主。寸口脈微者。佐以升柴。尺脈微者。佐以桂附。須知雖屬陽虛。却從

熱症來。而陰必虧。桂附亦不可過用。當佐以護陰藥為妙。如白芍、麥冬、五味之類。此症溫補略緩。及溫補不到。必死。或過用溫補。陽雖回而陰竭。亦死。此處不可不斟酌至當。又有宣伐太過。而成虛症之惡寒。寒涼太早。而成實症之惡寒。以疫邪方伏於募原。未經傳變之時。胸膈必多痰滯。有見其煩躁。而遽用知膏。其連者。有因其作渴。而遽用生地。麥冬者。有病者自認火症。而恣啖冷水。西瓜、梨、薺太早者。皆能抑鬱陽氣。關閉邪熱。過於中下二焦。冷物停痰滯於上焦。每見惡寒症。遇此惟

以宣導痰滯為主。痰滯通則惡寒自止。不可過溫致傷
焦瘵熱。畜血斑黃呃逆而死。不可清涼致胸腹痛滿而
危。宜用草果。厚朴。檳榔。木香。半夏。蒼朮。萊菔。苓。澤。導痰
開滯逐水。痰滯水去則惡寒止而熱症見。隨其傳變以
施涼解攻利之劑。乃有效也。此法特救藥誤。非治正病
耳。總之風寒以惡寒為重。時疫以惡寒為輕。多有初起
惡寒。一二日不治。邪氣傳變而惡寒自己者。與其誤治
毋寧俟之。若誤認惡寒為真寒。用辛溫之藥發散。未有
不增其病勢者也。

寒熱往來。

寒熱往來。與發熱惡寒異。發熱惡寒。一時並至。寒熱往來。寒已方熱。已方寒。亦與瘧不同。瘧發有時。寒熱長短有定。此則寒熱無時。長短無定。雖不同於瘧。而邪俱在少陽半表半裏之間。在傳變之初。是由輕入重。始則寒熱往來。繼則熱多寒少。再則但熱不寒。至晝夜壯熱。譫妄煩渴。畢現在傳變之後。是由重出輕。晝夜壯熱。漸減而為發熱。有時而止。又減而為寒熱往來。又減而為戰汗。至脉靜身涼而愈。夫疫邪自裏出表者輕。自表入

裏者重。初起寒熱往來。是自表入裏。犯及少陽。裏氣與邪相爭拒。繼則邪深入裏。表裏併而為熱。晝夜壯熱。而勢日重。既傳變之後。而寒熱往來。是邪氣向裏。正氣來復。自裏出表。經過少陽。前之晝夜壯熱。邪氣東細者。至此正氣漸和。而寒熱有時矣。前之邪陽獨盛。亢極無陰。作純熱者。至此則陰氣來復。而寒熱相爭矣。前之邪併表裏。而熱渴日加者。至此則裏氣逐出表邪。而作戰汗矣。治法於未傳變之先。欲由表入裏時。但透達其邪。使易傳化為主。達原飲是也。於傳變之後。欲自裏出表時。

以和辭為主。小柴胡湯是也。於屢經汗下之餘。脉或虛微。濡弱結代。心或悸動。神或委倦。形或羸弱過甚。當養陰益氣。助正却邪為主。參胡三白湯。炙甘草湯。清燥養榮湯。補中益氣湯是也。

頭痛

時疫頭痛。與風寒不同。風寒是寒束於上部。中下無邪上逆。頭雖甚痛。而不昏悶。時疫是熱蒸於上部。中焦邪犯上焦。頭不甚痛。而昏悶。所謂卓然而痛者是也。驗得氣色神脉。若胎。為時疫頭痛。而又有來事之分。初起頭

痛。腦後顛頂目珠略甚。舌胎白而發熱者。太陽頭痛。羌活川芎為主。淡豉酒芩知母生地為輔。額顙脹痛。目痛。鼻孔乾。舌胎白而微黃。煩熱而渴者。陽明頭痛也。葛根為主。淡豉石膏為輔。兩額角痛。眉稜骨痛。寒熱往來。口苦咽乾。舌胎中黃邊白。或中段黃。尖上白。少陽頭痛也。柴胡荆芥川芎為主。酒芩石膏為輔。頭痛而三陽症悉具者。吳氏三消飲為主。時疫頭痛。常見一經症者少。襍見二。三經症者多。此方尤為多效。頭痛甚者。加淡豉。芎防。清其頭目。頭痛舌胎黃。心下滿。蒸。發熱者。陽明。

裡症也。三黃石膏湯。小承氣湯。大柴胡湯。防風通聖散。
選用。舌胎黃。或半截。或傍邊有一塊白。胸滿而嘔。頭痛。
兼眩者。痰厥頭痛也。前胡為主。半夏。萊菔子。枳橘。山楂。
麥芽為輔。兼煩熱者。加大黃。枳實。汗下清解後。頭痛心
悸。四物湯。去川芎。加丹皮。知母。黃柏。或歸脾湯。逍遙散。
并加生地。棗仁。凡頭痛見症混雜。難分表裏者。總以舌
胎辨之。

頭眩

時疫頭眩有三。其一風熱頭眩。乃時疫本病。寸口脉多

浮而發熱。荊防芎藭薄天麻為主。黃芩為輔。煩渴加石膏。
其一痰水頭眩。乃時疫兼症。脉沉而弦滑。兼嘔胸脇滿。
悸動。前胡為主。半夏茯苓枳橘膽星萊菔蘇子為輔。然
必視時疫大勢。屬表屬裏。於應用本方中。加此數味可
也。其一虛症頭眩。乃時疫變症。多見於汗下清解後。或
素有怯證者。如上虛。寸口脉不及關尺。多汗。少氣。不足
以息。心悸。參耆為主。中虛。關脉不及寸尺。多從嘔利太
過而來。不思食。苓朮為主。下虛。尺脉不及寸關。腰膝痠
厥。二便清滑。六味地黃為主。三虛皆可加天麻。或虛證

已見。仍夾有邪疫燥熱。則不妨兼用清熱之品。或補後
脉氣稍實。再為清解亦可。大抵時疫頭眩。多屬熱。少屬
虛。治須斟酌。若傷寒亡陽頭眩。又當遵仲景法治之。

頭脹

時疫頭脹者。乃胃熱上蒸也。下之則愈。兼表者。防風通
聖散。大抵胡湯。吳氏三消飲。無表症者。三承氣選用。病
後虛脹。與頭眩參看。

頭重

時疫頭重者。淫熱上壅也。於清涼解表藥中。加蒼朮。或

利水藥。病後虛重。亦與頭眩參看。又有表裏無病。在頭中者。其目必黃。當遵仲景法。用瓜蒂散搐鼻。出黃水即愈。

目脹

肝疫。目珠脹者。陽明經病也。兼表症。葛根葱白湯。加石膏。若胸滿。舌有黃胎。宿食也。蓋食壅陽明。其脉不下行而上逆。故目珠脹。宜平胃散。加山查。麥芽。枳殼。消導之。則愈。至屢經清解。而目珠脹痛不愈者。當消息其肝臟。以養陰滋血。和肝之法治之。如再不愈。則當進而滋腎。

乃乙癸同源之治也。

項強酸

時疫初起。項強酸。兼發熱。乃邪越於太陽經也。羌活為主。狂躁正盛而項強者。熱壅其經脈也。石膏黃芩為主。屢經汗下。發熱已退而復項強者。血燥而筋無養也。四物六味為主。外此若傷寒發瘧之項強。亡陽漏風之項強。則又有仲景之法在。

背痛酸

時疫初起。背痛兼發熱者。邪浮於太陽也。羌活為主。背

肩而脹。魚胸脇脹者。邪客募原也。草果厚朴檳榔萊菔
子大腹皮為主。屢絀汗下後發熱已退。背痛不止者。經
脈血亡也。六味生脈四物為主。久有平素勞倦內傷。而
背痛在膏肓二穴者。當於東垣內傷諸論察之。

腰痛酸

時疫初起。腰痛兼發熱者。太陽受病也。獨治為主。兼脹
者。氣滯也。加檳榔。兼重者。夾溼也。加蒼朮。牽引少腹及
兩脇者。氣滯血瘀也。加青皮烏藥赤芍元胡。兼理氣血。
疏通腎肝。此皆初起實症治法。又有即夾腎虛陰傷者。

腰痛獨甚於周身。兼酸痿無力。若尺脉無力。後來傳變必危。當於初起在表時。加人參知母生地。預顧其陰。則危殆差減。若徒用伐邪之品。邪之深入者未必去。而陰液大傷。則沉昏舌黑直視失尿諸症見。陰傷氣脫。則厥逆症見。蓋腰乃腎府。為先天根本。腰痛則腎虛。不可不察。要知此時疫初起。腰痛尚有虛實之分。若汗下後。而見腰痛。其為腎虛。不待言矣。宜六味四物。不可疏通。

膝痛酸

時疫初起。膝痛發熱者。邪在太陽經也。獨活續斷牛膝

為主。兼軟者，溼甚也。蒼朮為主，然此特太陽之一症。初起以解表邪大勢為先，膝痛專藥一二味而已。若經汗下，表邪大勢已解，則當察其邪氣之有無。正氣之虛實。專治下部，不然恐致殘廢。倘餘邪不盡留於下部，則仍有熱症，如骨蒸、小便黃赤，以黃柏、苡仁清濕熱。檳榔木通、壅滯、筋攣，則秦艽、木瓜、筋緩，則蒼朮防己。紅腫，則赤芍、丹皮、續斷、芎歸。若無餘邪，見心悸，二便頻數，尺脈虛小，則當以補腎為急。六味加牛膝、枸杞、知藥、滋益陰精。

胫腿痛酸

時疫初起。胫痛酸者。太陽經脉之鬱也。獨活為主。兼續者。治在筋。加秦艽木瓜。兼腫者。治在肉。加木通赤芍。檳榔。兼軟者。屬溼溫。俗名軟腳溫。往一二日即死。宜白虎加蒼朮湯。或蒼朮黃柏。此與膝痛頗同。未經汗下。則解表之大勢。加一二味。胫痛為藥。表症已解。惟留此症。當專治之。若屢經汗下而見虛症。亦以補腎為主。

足痛

時疫初起。足痛。有因素有脚氣痛疾者。但治時疫。於解

表裏中。微加檳榔木通。若已經汗下。表裏俱平。而足痛不止。則消息其腎家虛實。同膝脛痛法治之。

肩臂痛酸

時疫初起。肩臂痛酸者。手太陽經脈受邪也。解表則痛自已。經汗下後。而肩臂痛者。有經隧阻滯。血脈空虛之別。經隧阻滯者。脈多有力。證多熱渴。以清熱活血為主。黃芩赤芍歸尾紅花之類。血脈空虛者。證多痿困。脈多沉濡。養血益氣為主。四物合參芪之類。

腕痛

時發初起。腕痛者。乃風淫末疾也。初起解表。汗下後益氣養血。與肩臂痛同治。

周身骨節酸痛

項背腰膝胫足肩臂諸痛。已列於前。則周身之酸痛。備矣。茲復列周身骨節酸痛者。以痛在一處。邪有尚注痛在周身。邪有分布也。專注之邪。須通其凝泣。分布之邪。須解其縛束。故治周身酸痛。疏表其大法也。而酸與痛亦有別。酸輕而淺。痛重而深。酸痛與拘攣又有別。酸痛運動如常。拘攣屈伸不利。酸痛病在營衛。拘攣病在筋

脈名酸痛拘攣。又有上下淺深前後之不同。在身半以上。為末疾。淺而易解。在身半以下。為本病。深而難祛。合上下之酸痛拘攣。在未經汗下。與已經汗下者。又有別才。經汗下。屬邪盛。宜宣伐。已經汗下。屬正虛。宜調補。明於此。則酸痛在周身。在一處。按症施治。無不當矣。解表諸方。人參敗毒散。九味羌活湯。六神通解散。大羌活湯。身重

時疫初起。發熱身重者。溼勝於熱也。蒼朮為主。二三日至四五日。傳變之後。汗出更熱。而身重者。熱壅其經脈。

也。白虎湯為主。傳裏表無熱。而舌燥便秘。腹痛拒按。而身重者。內結而氣不達於表也。三承氣為主。屢經汗下。表熱已退。身重不可移動。脈虛散而無根。舌上無胎。二便自通者。陰陽兩亡。經脈枯竭也。審其陰陽偏勝而治之。偏於亡陰。多燥症。六味合四物為主。偏於亡陽。多脾虛症。六君合生脈為主。陰陽俱竭。生脈合六味為主。

自汗

疫邪自內蒸出於表。初起作寒熱時。多自汗。甚至淋漓不止。不可以表虛論。兼頭痛身痛。仍以解表為主。羌獨

柴葛之類。兼煩渴。宜清陽明之熱為主。白虎之類。有熱有結。破結為主。陷胸三承氣之類。若屢經汗下。邪已全退。脈虛。而舌無胎。二便清利如常。內外無熱。痞方可從虛斂汗。蓋以時疫得汗為邪有出路。而宜斂汗者。恒少也。

盜汗

時疫初起。盜汗者。邪在半表半裏也。胸脇痞悶。達原飲無痞悶。小柴胡湯。汗下後。大熱已退。有盜汗者。餘邪不盡也。小承氣。小陷胸。吳氏承氣。養榮湯。諸方。清其伏匿。

餘邪。盜汗自止

戰汗

時疫不論初起傳變末後俱以戰汗為佳兆。以戰則邪正相爭。汗則正逐邪出。然有透與不透之分。凡透者汗必淋漓。汗後身涼。口不渴。舌胎燥二便清。胸腹脇無阻滯結痛。始為全解之戰汗。否則餘邪未淨而復熱。則有再作戰汗而解者。有戰汗須三四次而後解者。有戰汗一次不能再戰。待屢下而退者。有不能再作戰汗。即加沉困而死者。總視其本氣之強弱何如耳。凡戰汗之時

不可服藥補則戰止而汗不透留邪為患汗下則太過而成虛脫應聽戰汗透徹再觀脉症施治當戰時或多少與熱湯飲之助其作汗戰汗之時脉多停止勿訝待戰汗之後脉自見也大抵戰汗之脉以浮為佳邪出於表也虛散微濡應有變煎獨參湯以待之防其脫也貧者米飲聊代之然必察其戰後係邪淨而氣欲脫方可用凡戰汗後神靜者吉昏躁者危氣細者吉氣粗而短者危舌痿不能言者死目眶陷者死目轉運者死戴眼反折者死形體不仁水漿不下者死戰汗雖為佳兆亦有

吉凶得戰汗固由治得其宜。邪退正復而致。然不可強也。常見服大發汗藥。毫不得汗。而飲冷水得汗者。又有用下藥得戰汗者。涼血活血得戰汗者。生津益氣得戰汗者。種種不一。當知戰汗乃陰陽交和。表裏通達。自然而然。非可強致也。

狂汗

時疫臨解。有忽手舞足蹈。跳床投榻。而後作汗者。最為駭人。然須驗其是否作汗。作汗之脈。浮而緩。浮為邪還於表。緩則胃氣自和。待汗透自愈。脈若浮洪。浮數。浮滑。

浮散。雖有汗。亦為發狂。非作汗也。

頭腫

時疫頭腫。乃風熱壅於上部。太陽之經脈鬱滯巔頂。俗名大頭傷寒。當視表裏輕重。加輕清疏風之品。以散其腫。荊防薄荷蟬退川芎蔓荊菊花之類。如發熱舌胎白。表重於裏也。合表藥用。九味羌活湯。人參敗毒散是也。如煩渴舌胎黃者。裡重於表也。合裏藥用。三消飲。涼膈散。大柴胡湯。調胃承氣湯是也。古有用三稜鍼刺出惡血。法亦可用。至發癰膿者。不在此例。

面腫

時疫面腫。風熱溢於上部。陽明之經脈被鬱也。赤腫者方是。治以白芷防風葛根石膏散其風熱。視表裡之輕重。合頭腫條內諸方。加減用之。若黃腫。乃水氣也。當從水腫治之。

頸項腫

時疫頸項腫。乃陽明風熱。俗名捻頭溫。又名豎基溫。當按頭腫條內表裏諸方。加葛根桔梗牛蒡防風玄參。癰腫發頤。不在此例。

耳有腫

時疫耳有腫。乃少陽風熱。俗名黃耳傷寒。小柴胡湯加荊防芎芍元參。亦當與頭腫參看。

胸紅腫

時疫胃前一片紅腫。粟起似麻疹。風熱也。俗名赤膈傷寒。亦於頭面諸條。表裏方中。加荊防連翹。赤芍牛蒡土貝。

周身紅腫

時疫周身紅腫。風熱溢於皮膚也。用羌獨升麻葛芷。疏

其皮膚之毛竅。石膏黃芩梔子連翹。清其肌肉之熱。赤芍歸尾紅花生地。活其毒熱之瘀。兼裏症與頭腫諸條。參治。

以上頭腫諸條。列之表症者。以初起言也。若見於病後。曾經汗下者。為餘邪不盡。治法則小異。大約見於初起。表邪盛實。用表散之藥為主。清裡之藥為輔。見於病後。裡邪留滯。用清裡之藥為主。表散之藥為輔。以此為權衡。思過半矣。

發黃

時疫發黃有四。一宿食。二畜水。三畜血。四鬱熱。當疫症初轉在表時。胸膈痞悶。目珠黃。面鼻正中黃。宿食壅於胃脘也。於表藥中。加山查神麴麥芽萊菔子。傳裡時。小便不利。腹滿而響。面目身俱黃。畜水也。四苓散加梔子茵陳。胸腹有軟痛處。小便自利。大便黑。而發黃者。畜血也。桃仁承氣湯。熱在下焦。大小便俱不利。而發黃者。鬱熱也。茵陳蒿湯。凡發黃必以二便為辨。二便調。屬上焦。小便不利。屬水。小便自利。而大便黑潤。屬血。大小便俱不利。屬熱鬱。乃胃熱移於胸脘。不必利其小便。但當通

其大便。是以茵陳湯有專功也。發黃當辨其色。上焦宿食發黃。只在面目。不及周身。畜水發黃。周於身。兼微黑而黯淡。瘀血發黃。亦兼微黑而潤澤。鬱熱發黃。兼赤而鮮明。此卽以黃辨黃之法也。

發疹

時疫發疹。熱邪從皮毛出也。與汗同機。以疏散清熱為主。然與他症發疹不同。他症或無裏熱。此則未有不裏熱者。雖以疎散為要。而見煩渴舌胎黃。則硝黃仍須兼用。他症發疹。散而病即愈。此則有屢發而病不衰者。

他
毒發疹。不過一二日為期。此則為期不定。治法必視
裏邪解否。為用藥之準則。不可以疹之一症為據也。

發斑

時疫發斑。邪熱出於絳脉也。雖不及戰汗。亦有外解之
機。治以涼血清熱為主。白虎化斑湯。吳氏舉斑湯。犀角
地黄湯選用。此亦與他症發斑有異。他症發斑。消則
愈。此總不以斑之消否為輕重。而惟以裏症為主。每
斑出。而譫妄如故。或斑出數日已消。而沉昏如故。必待
裏熱全清。一便清利而後愈。故治斑藥味。可為輔。不可

為主。發斑發疹。熱皆在經。而不在胃。凡遇煩躁而不渴。目赤而舌白。即是將發斑疹之候。預以清涼解表透毒之藥治之。使邪易出易淨。

以上時疫表症。皆關乎裏。不似他症。表裏兩不相關。故前列各條。皆冠以時疫二字。以明非他病之見症。不可以治他病之法治之。亦不可以此法治他病。總憑氣色神脈舌胎辨之。百不失一。是五者為辨時疫之大綱。實亦辨時疫之細目也。

瘟疫明辨卷之三

裏症

煩躁

煩乃心煩。情思不定。神不安而形如故。躁則形擾。揚手擲足。形不寧而神復亂。煩輕而躁重也。在他証有謂煩屬心。躁屬腎者。煩屬陽。躁屬陰者。在時疫。總屬鬱熱。淺在上。則見煩躁之形。熱深在下。則漸近昏沉而喜煩躁。是時疫初起。可即煩躁之輕重。辨病勢傳變之輕重。不煩躁則非時疫。設氣色神脉舌胎。有時疫確據。亦

但表不裏之輕症。凡初起。憎寒發熱而煩躁者。邪在半表半裏。三消飲。九味羌活湯。六神通解散選用。隆冬寒甚。汗難出者。大青龍湯。歲時湯。可借用。舌胎已黃。渴而喜飲。身熱汗出而煩躁者。邪入於胃也。白虎。黃芩。三承氣。小陷胸。三黃瀉心。涼膈散選用。舌胎已黑。煩躁漸甚。沉昏者。邪入心包也。犀角。地黃湯。加羚羊角。黃連解毒湯選用。屢經汗下。清涼表裏俱無阻滯而煩躁者。陰液傷也。生脉散。六味地黃湯。吳氏諸養榮湯選用。或用輕解。清利滋潤諸法不應。而煩躁加甚者。當細驗。

黃黑胎中夾一塊白潤。是為夾水。或平素胸有痰飲。未病之先。曾飲冷物。或初煩躁時。過飲冷水。恣喫涼物。或用清涼太早。皆能停飲於胸膈胃脘之間。寒飲拂鬱。其疫熱。外不能達表。內不能傳胃。故煩躁轉甚。驗舌之後。更細按胸膈。滿痛而軟。漉漉有聲。再細察其脈。太寸關。或弦緊。或緩。皆停水確據。當以蒼朮半夏菴蓎厚朴。先消其水氣。然後治其煩躁。無不應者。不論舌胎有無黃黑。但煩躁而兼小便不利者。雖無水氣在胸膈。而少腹略有滿痛處。即當以導赤瀉心湯。四苓湯。猪苓湯。益

元散利其小便。所謂心邪不從心瀉而從小腸瀉也。

嘔

吳又可曰。時疫有始終能食者。邪不傳胃也。慎勿絕其飲食。此不嘔者也。愚嘗見時疫初起。未發熱時。表症未見。有先作嘔數日者。此痰邪先犯太陰。當辨其口氣無臭氣而不粘者。屬太陰寒症。有臭氣粘厚者。屬太陰痰症。此為先裏而後表。不可遽用清涼。閉遏邪氣。致使不能透達傳化。雖四肢有時厥逆。脈有時沉伏。亦不可用溫熱。致增嘔症。甚有舌苔沉昏者。惟當宣其胃氣。藿香

正氣散最宜。若已發熱而嘔者，吳氏達原飲，加半夏。三陽表症，加羌活、葛根、柴胡。若嘔而煩渴，身熱而不惡寒者，邪在陽明也。白虎湯、黃芩湯，並加半夏。若嘔而舌黃，胸中有滿痛處，橘皮半夏湯，加枳實、山楂、麥芽、川貝母，力緩，用至五錢或一兩，乃能舒鬱散結。若嘔而舌黃，心下臍上有滿痛拒按者，大柴胡湯。若嘔而舌黃，或少腹有滿痛拒按，當視其前後何部不利。大便不利，調胃承氣湯。小便不利，四苓加木通。或益元散。利之則愈。寒熱已解，二便通利，胸腹無滯，而嘔不止者，餘熱在

胃也。竹葉石膏湯。屢經清下。嘔不止而舌無胎。多汗。心悸。痿倦者。中氣傷也。大半夏湯。或六君子湯。加白朮。屢經清下。倦怠異常。四肢漸冷者。乃清下太過而中寒也。理中湯。甚至加附子。然此為治藥之法。非治疫之法也。宜詳察之。

欬

欬者。疫邪夾他邪干肺也。有初起在表。夾風邪干肺者。脈兼浮。欬多痰沫。必兼鼻鳴自汗。灑淅惡寒。於透表諸方中。加前胡桔梗。蘇子杏仁淡豉。有夾水干肺者。不論

表裏。脉必兼緩。欬必多清痰。兼舌白。心悸胸滿。或嘔。或吞酸。於表裏藥中。加桑皮。半夏。茯苓。川貝母。萊菔子。有疫熱傳裏。燥火熏肺者。脉必數。欬必無痰。有痰亦難出。而咽痛。於裏藥中。加花粉。黃芩。川貝。蔓仁。有病後陰傷。肺燥者。脉必澀。欬必無力。舌必赤而無苔。吳氏清燥養榮湯。加麥冬。玄參。知母。貝母。有脣乾汗下。或平素陰虛。腎氣上逆者。欬必兼上氣。額必時赤。足膝必清癢。脉必散。六味加枸杞。五味。牛膝。疫邪兼欬者少。即有之。亦非大有關係之症。宜以病之表裏大勢為主。加治欬藥於

本方療之。

渴

渴乃熱象。時疫為熱症。而有不渴者。蓋初起溼熱相蒸。為蒸氣。熱未勝溼。則鬱悶心煩而不渴。熱已大盛。不在胃。則煩躁身熱而不渴。在下而不在上。則燥結而不渴。在血分不在氣分。則沉昏而不渴。疫邪初從表。陰發者。胸腹滿嘔而不渴。此外無有不渴者矣。初起在表。發熱頭痛舌白而渴。脉必不浮不沉而數。六神通。散。加石膏葛根。或九味羌活湯。加石膏葛根。半夏。半

口苦咽乾。目脹而渴。脉必數。小柴胡湯。加花粉知母。或亦加石膏。或達原飲。加石膏。葛根。邪已入胃。作渴身熱。自汗。舌現黃胎。或醬色。或黑燥。當察其胸脇少腹。按之無痛處而渴者。為有熱無結。脉必洪。宜白虎湯。按之有痛處。為有熱有結。痛在心下。脉必滑大。關上尤甚。小陷胸湯。在臍上及當臍。關中脉必滑大。小承氣湯。在臍下。尺中脉必滑大。調胃承氣湯。心下至少腹俱痛。寸關尺必皆滑大。大承氣湯。痛在左脇不可按。左關脉必弦。或瀉成疝。桃仁承氣湯。痛在右脇不可按。右關脉必弦。或

滑或遲。十棗湯。渴而小便不利。少腹不可按。尺脈必數。
四苓散。猪苓湯。六一散。汗下後身熱已除。而渴不止。餘
邪未盡也。宜將前所用藥。再作小劑以利之。屢經汗下。
渴而舌上無胎。胸腹無滿痛。心悸而煩。脈虛細。或浮數。
或濇。亡陰也。六味合生脈為主。渴與煩躁同機。而渴輕
於躁。渴有喜飲。而又有喜熱飲。冷飲之分。在他症不喜
飲。及喜熱飲。則為真寒假熱。在時疫喜熱飲。多繫於
不喜飲。熱在血分。真寒假熱。百不一見也。時疫初起。以
渴為機括。渴甚則熱甚。渴微則熱微。在末路尤以渴為

有餘邪不渴為無餘邪也

口苦

熱邪在中上二焦則口苦。非特時疫為然。即感風寒。口苦亦屬少陽熱症。如時疫當惡寒發熱。表症正盛時。一見口苦。即於發表諸藥中。倍加清熱之品。輕則黃芩。重則知母。再重則石膏。不但三陽表症如此。即三陰裏症。手足冷。惡寒嘔利。胸腹滿。不渴。證狀似乎純冷無熱。而一兼口苦。即當於溫燥藥中。加利熱之品。如用半夏。蒼朮。草果。厚朴。必加木通。苓澤。甚至加知母。黃芩。本吳氏

達原之義。口苦為熱症的據。每遇症狀模糊。寒熱莫辨。必借此以決之。至舌胎黃黑。乾燥煩躁。熱渴閉結。又清下之不可或緩者矣。

口甘

口苦口甘。同為熱證。苦為燥熱。在上中二焦。多渴。屬三陽。甘為溼熱。在中下二焦。多不渴。屬三陰。蓋脾胃屬土。稼穡作甘。土邪下涉腎位。水土相蒸。甘味上溢於口。多兼嘔吐。人每誤認胃寒。而用溫中之劑。不知溼熱在於下焦。土能尅水。溫燥太過。腎水告竭。總不見熱渴諸症。

惟目不見物。漸至昏沉而死。口甘一症。在諸症初起。猶可用溫燥開導之品。而亦不宜過劑。在時疫必以清熱為主。消痰為輔。或胸中停飲太甚。亦不過加蒼朮半夏而已。如二陳去甘草。加薑汁炒山梔。薑汁炒黃連。竹茹。黃芩等類。為口甘要藥。烏梅更妙。酸能勝甘。蓋五行剋制。自然之理也。或四苓散加山梔亦得。然必以時疫之大勢。為用藥之權衡。斯可矣。

唇燥

唇燥者。陽明熱也。時疫見此。當辨其色。深赤為大熱。宜

瘧疾田辨 卷五
清下。淡白為止津液。宜滋潤。色如常。為津液不流通。熱在經脈。宜葛根。

齒燥

時疫齒燥有三。輕淺者為陽明經熱。前板齒燥。身熱目疼。鼻乾不得臥。此將發斑疹。及衄血之先兆。葛根為主。黃芩知母石膏為輔。重者為胃府燥熱。通口皆燥。甚則黑如煤炭。三承氣。三黃石膏選用。至重者為陰火煎熬。吐血太甚。腎水涸竭。當峻補其陰。知母黃柏生地元參天冬麥冬丹皮。每味兩許。大作湯液。加童便金汁。晝夜

薰進。若藥輕治緩。則不及矣。

鼻孔乾

時疫鼻孔乾有四。風熱則鼻鳴。荆防葛根薄荷為主。陽明經熱則煩躁。葛根石膏為主。胃熱府症則大渴舌黃。三黃石膏為主。亡津液肺燥。麥冬生地五味為主。大抵風熱經熱者。十之五六。府熱亡液者。十之二三。非謂熱深而鼻孔反不乾也。以煩渴大熱症見。則不覺鼻孔之乾與否耳。

耳聾

耳聾者。少陽邪熱挾痰上壅也。時疫耳聾者多。蓋邪之傳變。出表入裏。必于少陽。又時疫屬熱。主上升。挾痰涎濁氣上壅隧道。故耳聾也。治法以疫邪大勢為主。見於初起傳表時。於表藥中加荊防川芎。見於入裏時。於裏藥中加黃芩知母。屢經汗下。耳聾不愈。不可急治。養陰調胃為主。須待粥食如常。二便調勻。始由漸而愈也。

鼻如煙煤

時疫鼻如煙煤者。邪熱燥肺也。由鼻孔乾而來。急當清下。少緩則肺胃枯絕矣。三承氣合白虎。或三黃石膏加

青黛或小陷胸加犀角。或犀角大青湯。視其兼症。擇而用之。

鼻孔扇張

鼻孔扇張有三。一痰壅於肺。氣出入有聲。喘欬胸滿。不渴。宜瓜蒌貝母桑皮蘊子瀉肺。氣通自愈。一鬱熱於肺。氣出入多熱。有微表。東其鬱熱。古人獨主越婢湯。蓋散其外束。清其內鬱也。用於時疫中。以葛根易麻黃。或葛根黃芩黃連湯亦可。一腎氣虛而上逆。氣出入皆微多死。此證必得之屢經汗下。或兼多汗心悸耳聾。急宜

大劑六味合生脉散加牛膝枸杞。或可百救一二。

咽乾

咽乾者。邪熱淫於膈上也。在傷寒為少陽熱證。時疫亦然。宜黃芩甚則佐以花粉知母。

咽痛

時疫咽痛。為熱淫於肺。當視其咽中有結無結。無結者微紅。以桔梗花粉黃芩元參治之。有結者紅腫。當加牛蒡赤芍消其腫。結甚則起紫泡白泡。是為乳蛾。必以針刺去惡血。再服清熱之藥方妙。時疫中常有急喉風。急

喉痺二險症。且發夕死。不可不察也。急喉風。咽痛而喘。乃痰邪夾熱。上壅於肺。古方用膽礬吐其痰涎惡血。或皂角膏吐之。治之稍緩。則氣閉而死。急喉痺。即乳蛾速長。閉塞喉嚨。亦以刺去惡血為主。甚或用刀大開其膿血。此雖見於時疫中。必其人平素貪厚味。多怒鬱。肝火妄動。有以致之也。

舌燥

舌乃心苗。腎竅通其本。脾脈絡其下。時疫舌燥。由大炎土燥。中宮堵截。腎水不能上交心火。須察其胎之有無。

與色之深淺施治。白胎而燥。疫邪在表。痰已結於膈上。吳氏達原飲。加石膏川貝。蔓仁。大黃。此吳氏名白砂胎。熱極不變黃色。下之即黃。不可緩也。黃胎而燥。疫邪傳胃。小承氣。小陷胸。大柴胡。選用。醬色胎而燥。疫邪入胃。深及中下二焦。調胃承氣湯。黑胎而燥。疫邪入胃至深。傷及下焦。大承氣湯。燥成塊裂。或生芒刺。熱更甚也。大承氣倍其分兩。大黃須兩許。方妙。各燥胎。下之漸減。不即盡淨。為藥已中病。力未到耳。當再下之。有下至三五次。十餘次而後愈者。若屢下而燥胎愈長。不可更下。當

察其腹中。若揉按作响者。痰水結於中焦。脾胃受困。津液不能上潮。改用平胃二陳溫燥之劑。即愈。又腎陰竭涸。愈下愈亡其陰。燥胎不固。目無神耳聾心悸腰痠。再下必死。宜六味地黃湯。合生脉散。至無胎而燥。須辨其色。正赤或深紫。熱歸心包。血分熱極。石膏知母黃連犀角。羚羊角牛黃為主。鮮紅亡陰。二冬生地元參知母阿膠。人參為主。大抵舌無胎。則胃無物。可清潤。不可攻下。

舌強附舌瘰

時疫舌本強硬。為熱而蕪痰。宜清下無疑。須加消痰之

藥。兼白胎者。膈間未經煎熟。其痰尚濕。佐以半夏。大紫胡湯是也。兼黃胎者。已經煎熟。其痰漸燥。佐以川貝。栝蒌。小陷胸湯是也。兼黑胎者。熱極。痰亦為火。佐以牛黃。方效。若無痰。舌色正赤。深紫。裂燥而強者。熱毒蘊於心包也。三黃石膏湯。加犀角牛黃。急清其熱。舌強雖與舌燥相類。而燥屬胃。主熱。強屬心。主痰。又舌痿軟而枯小。與舌強硬而不縮有異。乃虛脫已極。大補及滋潤。或百救一二。若屢經汗下。清熱消痰。而舌強者。又當與舌痿同治。

舌卷短

時疫之舌。一見黃胎。便當下。失下。則由黃而變醬色。燥。變黑。變生芒刺。再失下。則變卷。變短。為下證至急之際。宜大下。屢下方和。緩則不救。

胸滿痛

時疫胸滿而不痛者。為邪未結。為無形之氣。稀薄之痰。痛而不滿者。為病在經絡。有虛有實。有虛實相兼。滿而痛者。為邪已結。須分痰食血以施治。屬無形之氣者。按之不痛。時疫初起。邪在募原。多有此症。宜達原飲。加枳

桔木香大腹皮。以開豁之。屬稀薄之痰者。時疫二三日
邪在半表半裏。多有此症。宜達原飲。加半夏萊菔子。或
小柴胡湯。加萊菔子。病在經絡。痛而不滿者。初起屬實
於解表藥中。加延胡烏藥。舒其經絡之氣血。病久屢經
汗下。多虛。於養氣血藥中。倍當歸。更有虛中夾實者。於
解表清裏藥中。加乳香沒藥。最妙。滿而痛。不可按。邪已
結矣。痰結者。牽引串痛。魚嘔。小陷胸湯。大柴胡湯。或二
方合用。甚則大陷胸湯。大陷胸圓。食結者。硬痛成塊。不
可按。多在心下。宜平胃散。加枳實。蘇子。萊菔子。白芥子。

亦有在膈上者。為危症。當吐之。宜瓜蒂散。此二者。不可便下。須待其轉動。方可下之。蓋結在上焦。屬氣分。下之太急。則氣逆嘔吐。外用按揉之法。為妙。血結者。不可按。按之軟。脉芤瀦弦。宜於解表清裏藥中。加桃仁紅花三七歸尾。甚則桃仁承氣湯。時疫多實多熱。至胸膈滿痛。又屬實邪。非虛症。惟是屢經攻下。胸痛更甚者。乃脾腎兩虛。下氣上逆。宜溫理脾胃。以建中鎮安之。甚則導火歸元。納氣歸腎皆可。然不多見。須消息斟酌。不可輕試。

脇滿痛

脇滿痛。與胸滿痛同。而微有不同者。胃滿痛。有宿食為病。脇滿痛。無宿食為病。乃亦有因宿食在胸腹。而滿痛及脇者。時疫脇滿痛。是痰氣血三者為病。其中亦有滿而不痛。而滿。而痛並作之分。其滿而不痛者。募原之邪。未經傳變。宜達原飲。兼寒熱往來者。大柴胡湯。滿痛而不滿者。邪分布於少陽之經。宜小柴胡湯。滿痛並者。當分左右。左屬血。小柴胡去人參。加延胡。歸尾。紅花。桃仁。甚者加莪朮。三稜。三七。五靈脂。右屬痰。與氣痰。柴胡。倍半夏。加牡蠣。萊菔子。甚則白芥子。甘遂。大戟。芒

花氣。加青艾葉。腹子。木香。大腹皮。痰與氣痛。皆無害。然而有聚散。痰散仍有所苦。氣散則無所苦。若屢經汗下。清利。而脇痛更甚者。虛證也。氣虛必嘔利。養氣為主。血虛必煩熱。養血為主。此亦十中一二。脇痛與胸腹痛不同。胸腹譬之衝衢。塞不能久。脇則譬之僻巷。塞則難歸。用藥須明此意。時疫脇痛。雖有痰氣血之殊。而絕不離乎熱。黃芩是為主藥。若別有熱症者。黃連山梔。又所必需。他病脇痛。有寒有熱。不在此例。

腹滿痛

時疫腹滿痛。屬宿食為邪熱所結者。十之七八。屬氣血
痰水者。十之二三。蓋腹為胃與小腸之正界。非胸脇少
腹之地可比。腹滿而不痛者。屬邪在氣分。屬水穀散漫
而未燥結。氣分脈多沉。或弦。水穀脈滑。氣分通腹皆滿。
水穀滿有分界。氣分者。厚朴。大腹皮。青皮。陳皮。枳桔為
主。水穀者。半夏。山查。麥芽。神麴。萊菔子。枳實為主。時疫
為熱症。腹滿亦當清熱。兼以順氣消食可也。若舌多黃
胎。雖滿而不痛。為邪已傳胃。宜小承氣湯下之。痛而不
滿者。屬邪在血分。屬水穀燥結諸病。他病或有屬冷者。

時疫絕屬熱症。痛不可按。而無硬處者。於清裏方中加
白芍。不可按而有硬處者。調胃承氣湯。滿痛兼作。為痞
滿。在氣。燥實在血。大實大熱之症。大承氣湯。諸病腹滿
痛。或兼自利。當責之虛冷。時疫自利。屬熱結旁流。下之
則止。不可疑為虛冷。若滿痛而喜燥喜溫。或惡寒。手足
冷。清利之益甚。或右關遲緊。此非本病。乃因煩渴。飲冷
太過。或用清涼太過太早之所致。又當以溫燥為主。不
可執一。然此亦治藥弊。非治本病也。

少腹滿痛

時疫少腹滿痛。為邪熱結於下焦。下焦乃大腸膀胱。及厥陰分界。與中焦異。亦有滿而不痛。而不滿。而痛。兼作之不同。初起滿而不痛者。濕勝氣滯也。枳櫛厚朴蒼朮為要藥。痛而不滿者。手不可近。熱傷厥陰血分也。黃芩以清熱。赤芍歸尾以活血。柴胡以升厥陰之氣。若牽引陰器。及兩胯夾縫者。加秦艽即愈。滿痛兼作者。不論初起末後。當視其前後。在前小水不利。蓄水也。四苓猪苓益元等方選用。在後大便不利。有燥矢也。三承氣選用。小便利而大便色黑者。畜血也。抵當湯。桃仁承氣湯。

選用。以大小便之通塞為辨。固矣。亦當細察其逆順。而有硬塊不可按者。屬燥矢。滿痛如鼓不可按而却無塊者。屬溺畜。脬中滿痛拒按而軟者。屬畜血。以此辨之。然矣。外有時疫末路。滿而不痛。而不滿。喜溫喜按。為虛證。當細詢來路。若屢經清下太過。當消息溫補。培養陰陽。不可執時疫為實邪熱證。而不變通也。然此亦十中一見耳。

右滿痛諸症。乃時疫裏症之大端。總屬熱邪內陷。在風寒暑溼諸門。則寒熱虛實俱有。在時疫已經傳變。

見於煩渴燥熱既顯之後。其為熱症易辨。若見於未經傳變之光。乃疫毒鬱而未發。多不渴。多不發熱。甚有手足反厥冷者。依風寒治。則當溫。依時疫治。則當清。毫釐千里。反掌生死。當於氣色神脈舌胎五者。細察而詳辨之。

自利

時疫自利。皆熱症也。其所利之物。與內虛內冷者自別。冷利之色淡白。熱利之色正黃。甚有深黃醬色者。冷利稀薄。熱利稠粘。虛冷利散而不臭。熱利臭而多沫。虛冷

易出。熱症努圍。冷利緩。熱利暴注下迫而裏急。此辨時疫熱利與諸冷利之大槩也。時疫初起。有手足厥冷。惡寒。嘔吐。腹痛自利者。全似太陰寒症。辨其為疫。只在口中穢氣作黏。舌上白胎粗厚。小便黃。神情煩躁。即可知其非寒中太陰。是時疫發於太陰也。煩躁輕。則藿香正氣散。煩躁甚。則用達原飲。一二服後。即見三陽熱症矣。此時若用溫中藥。轉見四肢逆冷。手足青紫而死。不可不細察也。時疫初起。頭疼發熱而自利。九味羌活湯。傳變太陽少陽合病。身熱口苦。咽乾目眩而自利者。黃芩

湯兼嘔。加半夏。傳裏舌黃。譫妄而自利者。按其心下至少腹。有硬痛處。與大承氣湯。無硬痛處。小承氣。小陷胸。大柴胡。選用。此在下其熱。不必以結為主。故雖無硬痛。亦主大黃。時疫自利。而小便不利。腹滿而無硬塊。時作腸鳴者。熱在小腸膀胱而蓄水也。四苓散。猪苓湯。益元散。選用。時疫自利。受補者少。至屢經清下。無表裏證。自利漸至清穀。而脈微細者。則六君子湯。補中益氣湯。理中湯。又所當酌用也。

便血

時疫便血熱邪深入也。先當辨其血色。鮮紅者清熱為主。黃芩湯。三黃石膏湯。犀角地黄湯。血色紫黯成塊下者。逐瘀為主。桃仁承氣湯。抵當湯。須按腹脇有痛處用之為確。時疫便血散晦夾涎水者。脾胃虛而臟腑傷也。歸脾補中八珍可借用。並加烏梅。時疫便血之後。多陰症。神昏耳聾。舌無胎而燥。身痛不可轉側之類。皆是生脈六味加阿膠。峻補其陰。然多不救也。

便膿血

時疫便膿血。與便血有燥濕之分。便血屬燥熱。涼潤為

主便膿血。屬溼熱。清熱兼分利為主。時疫初起。頭痛發熱。便膿血者。即古所謂疫痢是也。不必治膿血。但解其表。一解則便數自減。決不可早施清裏攻下之藥。即分利清涼。亦所當慎。蓋邪方在表。清裏邪則內陷深入。後極難治。且時疫一見便膿血。則煩渴之熱勢已緩。蓋熱隨利減也。所以苦寒之品。不可浪用。惟以倉廩湯為主。詳見夾痢條下。時疫傳變。至半表半裏便膿血者。柴葛解肌湯。加苓澤木通黃芩。時疫傳變入裏。煩渴譫妄。悉具。而便膿血者。黃芩湯。葛根苓連湯。選用。兼裏急後重。

腹中拒按者加檳榔大黃。時疫屬經攻下而便膿血滑精者當以養中調氣養血為主。清熱為佐。老人虛入亦倣此例。

大便閉

時疫屬溼熱。大便閉者少。間有閉者乃平素胃陽強盛多燥氣也。夫本來陽盛復受時疫則溼熱皆變為燥熱。雖兼表症未得汗可下。以時疫與傷寒不同。傷寒邪從表入。有表證未得汗必不可攻裡。時疫邪從內發。雖有表證每發表而不得汗必待裏氣通而後表始得汗。

所以時疫大便一閉。即有表證。亦當下之。不可遽巡也。若初起未經表散。則當用三消飲下之。為當有表證。尚可下。則煩渴譫妄。舌胎黃黑燥烈卷短。胸腹硬痛諸症。備見。更當分別輕重下之。無疑。又有大便閉。而屢下不通者。則必有夾邪。當審之。有夾水者。水在腸中。則不下而自利。水在胃脘以上。則脉多弦多緩。往往上嘔而不下利。且舌白。而心下按之作響。雖用承氣不能下行。故下之不通。當先用半夏茯苓蒼朮消其水。而後下之。亦可用大陷胸湯者。必胸上痛而手不可近。方為藥與

邪敵有夾氣者。氣滯於胸膈之間。主上逆而不下降。胸
腹串痛。而脈沉。當先以蘇子萊菔子木香檳榔順其氣
而後下之。有氣虛而屢下不通者。屬老人虛人。其脈必
兼無力。其色必悴。其肌肉必緩。其神必散。若下症全具。
當與大承氣加人參一服而宿垢頓下。或陶氏黃龍湯。
或麻仁丸。參湯下。酌其裏症之多寡用之。有血虛而屢
下不通者。屬婦人產後。癰疽潰後。或平素陰虛。及吐血。
其脈必兼濇。四物六味生脈。及吳氏諸養榮方。麻仁丸
選用。仍須審煎猪膽汁導之。大凡時疫。大便一閉。即當

下之。然須詢其有無所苦。若無所苦。下尚可緩。有所苦而下之不通。又須察有無夾邪及虛也。當下者十之五。可緩者十之三。夾邪者十之一耳。時疫如此。他病則不然。古語云。傷寒下不厭遲。時疫下不厭早。誠哉斯言也。

小便不利

時疫初起在表時。頭痛發熱。小便不利者。熱入膀胱也。益元散主之。四苓散猪苓湯皆可用。東垣云。小便不利而渴者。熱在上焦。法當淡瀉。小便不利而不渴者。熱在下焦。法當苦寒。此可為據。時疫傳裏。大便閉而小便不

利者。當先通大便。大便通。小便自利。此惟時疫為然。他病則否。時疫屢經汗下。小便不利者。陰竭也。為難治。知母黃柏生地麥冬之類治之。或生豚六味皆可。然多至少腹如鼓而不救也。凡小便不利。日久下關不通。必反於上。往有嘔吐。听逆。涓滴不能下咽。至湯藥下進者。常用敷臍法。大田螺一枚。搗爛。入麝香三釐。敷臍上。帛束之即通。一見點滴。即受湯藥。古法有用葱熨。及井底泥敷少腹者。俱可參用。但不宜於陰竭之虛人耳。

小便黃赤黑

時疫未傳變時。小便多如常。熱一傳入裏則黃。熱甚則赤。熱入血分。畜血則黑。小便可驗裏熱之有無。深淺多寡。但不可以作專症。疫邪在表。小便黃。即於解表中加清涼藥。邪入裏。小便黃赤。雖手足逆冷。亦當攻裏逐熱。疫邪已退。表裏俱和。小便黃赤未退。仍當清利餘邪。惟小便黑者。當逐瘀清熱為主。犀角地黄湯加大黃等類。有屢經汗下。清涼太過。表裏俱無熱邪。而滑瀉腹痛。小便黃赤者。當理脾升陽為主。亦治藥非治病也。

小便多

時疫為溼熱。小便多者甚少。傳裏之後。或有不便多者。乃胃土變為燥熱也。急下之。屢經下後。小便多者。氣虛也。益氣升陽為主。亦有腎虛而小便多者。六味地黃湯。加五味子。大抵未下之先。小便多者。屬燥熱。小便必微黃。必煩熱。渴而喜飲。既下之後。小便多者。屬虛。氣虛則不喜飲。而寸脈不及尺。溼不及沉。陰虛則喜飲。而尺脈不及寸。沉不及浮。失治日久。則壞消渴。時疫小便多者。如此。若夫風寒小便多。則屬陽虛。不在此例。

遺尿

時疫初起遺尿者。多屬三陽合病。蓋邪入於陽。則陽實而陰虛。熱盛於表。裏為之不守。又神昏於上。不自知其下部之出入。故遺尿也。合之腹滿身重。口不仁而面垢。譫語。仲景獨主白朮湯。此症不可下。以邪全盛在表在經。下之則表邪內陷。故額上生汗。手足逆冷。尤不可汗。以邪本屬熱。汗之則愈增其熱。故心憤。反作譫語。惟以白朮湯清其浮越之熱。若別兼燥結鞭痛者。可於本湯內加大黃下之。

囊縮

時疫囊縮。乃熱入於厥陰也。有結有熱則下。有熱無結則清。熱退而囊自縱矣。陰症囊縮與時疫頗相類。以陰症囊縮必身冷。厥逆。脈沉。時疫囊縮亦身冷。厥逆。脈沉也。然一寒一熱自有不同。陰症囊縮陰莖痿縮。或全縮入腹有如婦人。時疫熱厥囊縮陰莖如常。再以兼症辨之。陰症囊縮小便清。少腹牽引作痛而不滿。喜溫按。多自利。神清不煩。時疫囊縮小便赤。少腹滿而硬痛拒按。大便秘。煩而神昏。

多言

時疫多言者。譫語之漸也。疫熱蒸心之所致。治同譫語。

譫語

譫語者。熱蒸心也。時疫一見譫語。即當清熱。然有經熱。蒸心而譫語者。邪在三陽。表症多有之。脈浮大。頭痛。發熱。舌白者是。吳氏三消飲最當。六神通解散。九味羌活湯。防風通聖散。白虎湯。梔子豉湯。皆可選用。有膈熱。蒸心而譫語者。脈洪。身熱。汗出。不惡寒。反惡熱。胸中無結者是。白虎湯。黃芩湯。選用。有痰涎搏結其熱。聚於中上二焦而譫語者。脈弦滑。胸痛及心下痛。拒按者是。小陷

胸湯。大柴胡湯選用。有胃熱。蒸心而譫語者。脈滑實。
舌黃。反黑。及燥。及芒刺。腹滿拒按者是。三承氣湯選用。
輕者。只用平胃散。加山查。麥芽。蘿蔔子。即效。有熱入血
分而畜血。熱蒸心而譫語者。脈沉結。或瀉心下至少
腹。凡有痛處。拒按而軟者是。犀角地黃湯。桃仁承氣湯。
抵當湯。選用。有熱入小腸膀胱。畜水之熱。上蒸心而譫
語者。脈浮數。少腹滿。小便不利者是。四苓散。猪苓湯。益
元散。選用。以上皆實症譫語也。至若屢經汗下。清理二
便已清利。胸腹無阻滯。六脈虛散。結代微弱。而譫語者。

陰陽兩虛。神無所倚也。虛在上焦。必心悸神倦。生脈散。加棗仁。天王補心丹。虛在中焦。必面色痿黃。四肢倦怠。歸脾湯。虛在下焦。必耳聾目直視。六味地黃湯。加遠志。五味龍骨茯苓神。

狂

時疫發狂者。譫語之甚者也。亦疫熱蒸心之所致。治同譫語。

善忘

時疫善忘者。畜血之所致也。畜血在上焦。其脈芤。胸前

及心下必痛。必拒按而軟。犀角地黃湯主之。畜血在中焦。其脈或芤。或弦。或澀。兩脇及臍上。必有痛處。拒按而軟。桃仁承氣湯主之。畜血在下焦。其脈多沉結。臍下必有痛處。拒按而軟。抵當湯主之。善忘。雖為畜血主症。然必驗之大小便。尿雖鞭。大便反易。其色必黑。小便自利。方為畜血之的證。否則。仍當參之多言。譫狂諸法治之。

沉昏

時疫沉昏。熱入至深。極陰症也。蓋熱初蒸。及心之經。則心神不安。多夢囈。醒時自清。熱心之經漸深。則心神漸

煩多言。所言皆日用當行之事。無糊塗語。熱及心色。則精神間有昏處。多言間有糊塗語。猶清白語居多。迨至心色漸深。則心神昏處居多。言多妄見妄聞。甚至疑鬼疑神。非人所見聞者。猶省人語也。至熱直入心臟。則沉昏全不省人事矣。此熱入淺深之次第。見證輕重之辨也。所以多言譊語。熱之浮淺者。施苓知膏可解。發狂。熱之深結者。硝黃可解。至沉昏。熱之至深者。非犀角黃連羚羊角牛黃。莫能解也。沉昏。雖係熱深。更有夾痰氣。夾胃結。夾血結之分。胸滿舌白。係夾痰氣。當加川貝灰薑

半夏萊菔子於厚連諸藥中舌黃及燥黑腹滿硬痛者
當加厚連此三承氣湯中痛而軟者當加桃仁丹皮
赤芍於厚連藥中治昏沉之大法備矣以上皆實症更
有虛症亦所當知屢經汗下清利之後表裏無熱胸腹
無阻二便自利而神情由倦而漸昏由昏而漸沉乃大
虛之危症大劑生脈散加桂附芪朮苓芍急救其瀕陽
亦不逮矣

循衣摸牀撮空

時疫循衣摸牀撮空者^或神昏而四肢實也當察其

舌苔白或無苔有熱無結也犀角黃連石膏為主
有燥胎或黃黑燥裂芒刺有熱有結也大黃芒硝為主
屢經汗下後胸脇仍有拒痛者邪未盡也仍宜清利無
拒痛者陰虛陽亢也生地麥冬桑仁茯神安神為主

多睡

疫症初起多睡兼身重者熱邪阻滯其經脈也有汗白
虎湯與汗或加麻黃屢經汗下後表裏熱愈甚二便俱
利而身痛多睡者陰傷也四物六味生脈三方合用大
劑養陰方效失治即危服此數劑身痛已和表裏熱退

而仍多睡者。於三方中加^生棗仁即愈。若夫平素脾虛多睡。多痰嗜睡者。一受疫症。必更嗜睡。當於時疫藥中。參之以理脾消痰之品。

身冷

諸病身冷。皆屬陰症。在時疫多屬熱症。須泛氣色。看脈舌胎中辨其端倪。果係時疫。則當分初中末以治之。不可紊也。時疫初起。往往有身冷自利。腹痛作嘔。全似陰症者。若舌有厚白胎。身有穢氣。心煩多汗。面色油垢。小便黃短數。有一二證現。便是疫邪直入太陰。先裏後表。

非真陰寒。症兼嘔利。藿香正氣散。四苓散。無嘔利。達原飲。服一二劑後。即發熱矣。時疫傳變發熱之後。譫妄沉昏。舌燥。腹滿。便秘。而身冷者。先表後裏症。三承氣。大柴胡。選用。無結症者。白朮湯。時疫末路。屢經汗下。表裏無邪。胸腹無滯。二便自和。而身冷者。當以脉為主。脉虛細不振者。用藥太過。而成脫症也。急宜溫補。少緩即死。生脉散。加芪朮苓芍。平補陰陽。冷甚者。加熟附子。時疫身冷一症。最難下手。初起時。若寒熱不辨。且勿妄投湯劑。當少待之。多則一二日。少則半日。多有自行傳變。即從

熱煩渴者。此時則易於用藥。若已經發熱傳變之後。變為身冷。則自有口燥舌乾。不得臥諸症在。此時藥不可緩。則熱深厥深。雖下後厥同往。亡陰而死。身冷與惡寒不同。而病機頗同。當與惡寒條參看。

呃逆

時疫呃逆。與傷寒不同。傷寒呃逆。虛實寒熱俱有。時疫呃逆。惟熱結下焦而已。凡見呃逆。即當下之。下之不止。按其臍腹有硬痛拒按處。仍當下之。有下至十數次方止者。總之。逐盡結熱。腸胃通達。其呃自止。慎不可用丁

香柿蒂湯。治呃而遺結熱。致成危證也。

吐虵

傷寒吐虵。多寒熱錯雜。時疫吐虵。則有熱無寒。治此症之當汗。當清。當下。一以傳變之大勢為主。惟加烏梅黃連以安之。慎勿用烏梅圓中諸辛熱藥。致成危篤也。